

fed aliud, signum evidens voluntatem non teneri eligere illud, quod iudicatur utilis.

In oppositum arguitur. Primo auctor. Arist. num. 3. Ethic. cap. 2. ait illud eligi voluntate, quod in consultatione deliberatur, & lib. 6. cap. 12. & 13. docet virtutes morales connexas esse cum prudentia, non ob aliam causam, nisi quia voluntas sequitur iudicium rationis, & 3. de Anim. 58. universaliter docet appetitum a ratione moveri. Conf. D. Bernard. lib. de gratia, & lib. arb. ubi ait habet voluntas quocunque se volvat, semper comitem rationem, non quod semper ex ratione, sed quod nunquam sine ratione moveatur. Resp. ad has, & similes auctoritates Arist. in Ethic. loquitur semper de actione recta, & studiosa, unde 6. ethic. loc. cit. dicebat, opus perfectum secundum prudentiam, & moralem virtutem, quia virtus facit intentionem rectam, prudentia vero illum dirigit, & ideo non est, cur exinde deducere debeamus voluntatem determinari a iudicio rationis, sed solum debere se conformare dictamini recto prudentie ad hoc, ut recte eligat, auctoritas D. Bern. potius est pro nobis, clare enim dicit, quod non semper agit ex ratione, ideo conformatur ad rationem; quod autem inquit habere comitem rationem, significat, quod semper habet illam, ut ei repraesentantem sufficienter obiectum suum.

Secundo, urget rationibus, quia voluntas nequit aliquid velle sine precedenti iudicio rationis, cum ferri nequeat, nisi in obiectum prius cognitum, per rationem presentatam, ergo si iudicium erit indeterminate, ipsa quoque indeterminata erit, si determinatum, ipsa quoque determinata, sed ultimum iudicium practicum est determinatum, ergo voluntas determinabitur ab eo; Conf. prob. nam si quando iudicium est determinatum ad unum, possit voluntas aliud eligere, vel aliud non eligere, nulla possit reddi ratio, cur voluntas elegerit, & obiectum iam iudicatum dimiserit, neque tunc voluntas possit reddere rationem, cur ita faciat, quod est contra experientiam, nemo enim est qui interrogatus cur aliquid agat, non respondeat, quia iudicio ita facendum, qua de causa voluntas dicitur appetitus rationalis, five cum ratione; Quod si dicas, etiam in tali casu reddi posse rationem talis electionis, quod videlicet fecerit, ut ostenderet rationem, Contra urget, quia iam hoc ipsum tunc erit ultimum iudicium rationis practicum, quod scilicet considerat omnibus hic, & nunc praestat contra rationem agere, ut palam fiat voluntatis libertas, & ab hoc ipso iudicio voluntas in tali casu determinabitur. Confirmatur, quia si iudicium rationis omnino determinatum erit ad alteram partem, ergo non potest voluntas oppositum eligere, alioquin ferretur in ignotum, & in tali casu non diceretur ab intellectu, sed a se operante, quod est contra conaturalem eius agendi modum. Denique obiectum voluntatis est bonum, non utcumque, sed ut iudicatur conveniens, opus est ergo praecedere iudicium de convenientia obiecti, quod veli manducare voluntatem.

60 Respond. in primis fallum esse assumptum universaliter pronuntiatum, licet enim volitio efficax finis, vel mediourum ad finem supponat tale iudicium de bonitate finis, & convenientia mediourum, tamen velle simpliciter complacentiam non necesse est supponi illud, cum ad talem actum elicendum simplex apprehensio obiecti sufficiat, ut postea dicemus: tamen admilto pro nunc antecedente, ad huc neg. conf. quia voluntas non ab alio determinatur, sed seipsam determinat, dum exit in actum secundum, imo in hoc consistit eius libertas, ut postea iudicio determinatio: adhuc maneat indeterminate, donec seipsam determinet eligendo actum, aut suspendendo; & adhuc in tali casu voluntas potest rationem reddere, cur ita fecit: sed sicut opus non est, quod sibi proponatur obiecti bonitas per iudicium in omni actu suo, sed sufficit, si proponatur per simplicem apprehensionem, ita non semper oportet, quod reddat rationem, quia intellectus non tantum illud, sed etiam illud bonum finis proponit, ita colligitur ex Scot. 2. d. 6. q. 1. C. & d. 22. in fine; ad id Bassol. loc. cit. non semper teneri voluntatem reddere rationem, cur ita facit, sed tantum cum recte, & rationally operetur, aliis non teneretur aliam rationem reddere, nisi quia ita placet, vel quod fiat pro ratione voluntas. Ad Conf. ex Doct. cit. & Bassol. ibidem §. quantum ad 3. art. neg. conf. quia cum perfecto dictamine, & iudicio rationis dictans prosecutionem alicuius boni, vel mali siquam reperit in intellectu noticia apprehensiva saltem confusa vel oppositi, cum iudicium supponat actum collativum divinum, vel compositivum in ordine ad oppositum, & in tali casu adhuc diceretur sequi ductum intellectus ostendentis per simplicem apprehensionem obiecti bonitatem, non tamen iudicantis, quod si quis in hunc penderet actum, quod nullius alterius obiecti cognitio prederet in intellectu exceptio illo, quod proponitur per ultimum iudicium practicum; praeterquam quod talis casus non est admittendus, propter rationem allatam, tamen adhuc admilto, non sequitur voluntatem a tali iudicio necessario determinari, quia saltem circa illud ipsum obiectum dicitur actum suspendere, vel intellectum divertere ad alterius obiecti contemplationem. Ad aliud dicimus, aliud esse requiri iudicium de convenientia, & bonitate obiecti, quod non negamus, aliud vero, quod requiritur iudicium determinans, quod iudicatur tantum hoc esse agendum, futurum semper praerequiri cognitionem bonitatis, & convenientiae obiecti, five per modum iudicantis, five per modum simplicis saltem apprehensionis, ut possit amari a voluntate, hoc tamen iudicium non determinat voluntatem, quod enim homo v.g. mentitur, praedicit cognitio dictans illud mendacium esse utile ad tuendum honorem; praedicit etiam cognitio dictans illud mendacium esse malum, quia est contra

legem Dei; neutrum iudicium determinat voluntatem, sed voluntas liberè elicit mendacium propter bonitatem cognitam in illo, quare semper tendit in obiectum cognitum, semper sequitur ductum alicuius rationis non tamen omnium; semper potest reddere rationem, cur ita fecerit, non quidem rationem cogentem, vel determinantem, seu suadentem sine necessitate, quod si intellectus prius dixisset, mendacium hic, & nunc penitens omnibus est eligendum, errasset proculdubio in fide, quia fides dicitur propositio contradictoria nempis mendacium hic, & nunc esse eligendum, atque ideo omnis mendax est haereticus.

61 Tertio ad quia cognitio sensum est determinata ad unum; rursus voluntas nostra respectu ultimi finis determinata est ad unum, saltem quoad specificationem, quia iudicium rationis determinatum est ad unum, cum nequeat repraesentare ultimum finem, nisi sub ratione boni, & eadem denique ratione voluntas beatorem in patria determinata est circa summum bonum clarè visum, ergo ubique à simili intervenit hoc iudicium rationis determinatum ipsa voluntas ad illud unum determinata intelligitur, sed in omni actione de quacunque re particulari eligenda opus est tale iudicium ultimum in intellectu praecedere, ergo in omni tali actione voluntas à tali iudicio determinatur.

Respond. neg. assumptum quoad omnes partes, appetitus quidem brutorum non ea ratione liber non est, quia tunc neque voluntas esset appetitus liber, cum in omni sua actione secundum Adversarios sequatur ultimum iudicium practicum: sed naturalis est, quia cum sit organicus, determinatur ad certum genus appetibilem, ut supra cum Doct. dicebamus; neque voluntas ea ratione circumultimum finem determinata est quoad specificationem, dum est in via, ac etiam quoad exercitium, dum est in patria, quia sequitur cum rursus tenetur cum diligere, & nunc Deum esse diligendum, volumus absolutam circa ultimum finem clarè visum actionem suspendere, quod est fallum, ut infra dicemus; sed in via determinata dicitur circa illud quoad specificationem, quia talis finis rationem nobilissimè, vel odibilis habere potest, & in patria modo determinata est quoad exercitium ex decreto Dei, quod non vult habere suum concursum paratum ad actum oppositum, sed semper exhibitur ad actum determinatum dilectionis.

62 Quarto tandem, si heri potest, ut quis elegeret contra dictamen ultimi iudicii practici, potest etiam fieri, ut in voluntate ipse peccatum sine ullo actu errore, vel defectu in intellectu, sed consequens est fallum, ergo etc. conf. de se patet, falsitas vero conf. probatur ex variis Scripturae locis, & Arist. nam Prov. 14. errans, qui operatur malum, Sapient. 2. excecavit eos malitia verum, Hier. 12. desolatione desolata est terra, quia non est, qui recogit corde, Ilaie 8. captivos ductus est populus meus, quia non habuit scientiam, &c. Arist. 3. Eth. cap. 1. inquit, unumquodque pravus, quid agendum sit, ignorat, & 7. Ethicor. cap. 3. ait, incontinentem habere quidem universalem cognitionem veram non autem particularem, & ideo peccare, & ibidem, ac etiam c. 7. comparat incontinentem vinolentiam peccat, & c. 10. malignum, seu ex malitia peccantem assimilavit civitati, quae legibus quidem utatur, sed pravus est quibus deditur, quibus peccat, aut errorem positivum in intellectu praecedere speculativum, vel practicum, vel certè talem defectum considerationis, qualem non habet, quoniam peccat; quod tandem probant quoque ratione, quia voluntas sequitur intellectum; ergo nequit voluntas errare, vel defecere, nisi intellectus erret.

Respond. neg. falsitatem consequi, & quampures esse auctoritates ad eius probationem adductas loquuntur non de errore intellectus, sed de morum, & in hoc sensu praesertim multi explicant illam ex Proverbis errant, qui operantur malum, quibus faveat Lyranus exponens de errore, & deviatione a rectitudine iustitiae, ac etiam alia translatio, quae legitur *frustratur omnes*: vel si loquuntur de errore intelligentiae, non utique loquuntur de errore praevio, & antecedente peccatum, sed concomitante, & consequente, quo sensu loc. cit. Sap. dicitur malitia excecavit intellectum peccatoris, aut privative quatenus voluntas eligens aliquid illicitum intellectum à recta, & laudabili ratione avertit, & recte dictamine privat, aut positivè cum ex imperio voluntatis male eligentis sequitur fallum iudicium rationis approbans talem electionem. Vel tandem loquuntur de errore intelligentiae praevio, & antecedente, ita dicunt, quia licet simpliciter, & absolute loquendo possit esse peccatum in voluntate nullo defectu praevio in intellectu, regulariter tamen non contingit peccatum sine defectu intellectus, non quocunque, sed praecise talis considerationis, quae morali certitudine quendam impedit, & ratio est, quia malitia peccati tanta est, ut si perfectè penetraretur, & consideraretur, certè deterreret hominem à peccato, videmus enim alia mala peccato longe minora tantum vix habere, ut quasi femper hominem bene attendentem moveant ad eorum fugam, quis enim mentis compos fe pro uno poma praecipitum dedit? minus autem malum est peccatum, quam praecipitum, nullus ergo unquam, vel saltem raro peccat, si perfectè attendit peccati turpitudinem, & penam illi debitam, & in hoc sensu dicitur eccles. 5. *memoria non utilis tua, ut in exercitum non peccabis*, & Deuter 32. *utinam sciretis & intelligeretis*, &c. & hoc etiam voluit innuere Doct. d. 22. q. un. C. dum ait peccatum primi parentis posse dici ex ignorantia, quia scilicet non consideravit, quanta poena ad illud peccatum esset lectura; aliquid

aliquid igitur ex praedictis modis omnes allatae auctoritates sunt interpretandae.

Ad rationem neg. consequi. non enim assumptum verum est in hoc sensu, quod voluntas semper sequatur id, quod iudicatur ab intellectu esse praefertendum, quia potest intellectus iudicare bonum honestum esse delectabile praefertendum, & voluntas amplecti delectabile iuxta illud Poetae *videt miseris, probaque, deterrata sequar*: verum est igitur antecedens, in hoc sensu tantum, quod voluntas sequitur intellectum, & dicitur ab intellectu, quia non potest appetere aliquid obiectum, nisi proponatur illi ab intellectu sub ratione boni, unde semper sequitur ductum intellectus ostendentis, ut non semper ductum intellectus iudicantis.

QUESTIO IV.

Quo pacto actus voluntatis sit liber, ac eius omisio.

64 Quoad primam quaestio partem, quid ponat libertas in actu, & quomodo ei conveniat, an essentialiter, vel accidentaliter, prima sententia est afferentium libertatem esse quid intrinsecum in actu libero, licet non eodem modo eam defendant, quid enim docent libertatem esse de essentia actus liberi, non solum reduplicative ut libera est, de hoc enim non est controversia, sed specificative sumpti, ita Hurtad. disp. 1. 5. de anim. section. 6. & quampures Recentiores in p. 2. Curiel. Grand. Montem. Cornet. & alii quicunque volunt bonitatem moralem esse de essentia actus liberi, nam à fortiori hoc ipsum de libertate affirmare coguntur, si enim actus bonus, qui nunc sit liber, potest fieri sine libertate, ergo potest esse non bonus, nam ablati libertate, non esset moraliter bonus; alii vero licet fateantur libertatem non esse differentiam essentialium volitionis, afferunt tamen esse modum intrinsecum superadditum, vel saltem relationem intrinsecam accidentalem supervenientem, à quibus stare videntur Valent. disp. 2. q. 1. punct. 1. Moris 2. Phyl. disp. 3. q. 13. in calce, & ex notis Herr. disp. 28. q. 3. Opposita sententia negat libertatem esse quid reale actu intrinsecum, & superadditum, & docet esse tantum denominationem quandam extrinsecam, ita Molin. in concord. q. 3. art. 4. disp. 1. membr. 7. Valquez 2. p. disp. 1. p. 113. Salas par. 2. tract. 3. disp. 1. lect. 6. num. 62. Arriag. disp. 8. de anim. lect. 4. & est communis inter Recentiores, quae prius fuit sententia Scoti, & Scotistarum, ut postea dicemus; verum huius partii sectatores iuxta diversitatem opinionum principiorum hanc sententiam explicant, quoniam docent quod praedicta libertatem tendere esse indifferentiam iudicii, & attentione rationis circa bonitatem, vel malitiam obiecti, dicunt consequenter libertatem actus non esse nisi denominationem extrinsecam actui provenientem ex consideratione, & attentione intellectus circa bonitatem, & malitiam obiecti, qua ratione (ajunt) eadem volitio, quae nunc sit liberè advertente ratione ad incommodum obiecti, potest esse necessitaria, si solum adverteret homo ad incommodum; Qui vero dicerent, libertatem consistere tantum in indifferentia potentiae volitivae, consequenter hic affirmant libertatem actus esse utique denominationem extrinsecam sibi provenientem, sed non nisi ex indifferentia voluntatis ad eum elicendum, vel non elicendum, ut liber.

65 Quoad alteram quaestio partem de libertate omisionis, celebris est controversia, an possit contingere sine omni actu, qui eius causa directè, vel indirectè existat, adeo ut eveniens possit dici voluntaria omittenti, & cum quaeritur, an possit contingere sine omni actu, non est utique sermo de intellectu, qui ut omisio sit voluntaria, est omnino necessarius: si enim intellectus nullo modo advertit ad obiectum, nec in communi, nec in particulari, nec confusè, nec distinctè, omisio nullo profero modo potest voluntaria dici, quia sicut nequit actus voluntatis elici sine cognitione praevia obiecti, ita eius omisio sine cognitione non est privatio, sed mera negatio, quae etiam in lapide reperitur; sermo itaque est de actu voluntatis, ut sensus quaestio sit, an dari possit pura omisio sine quocunque voluntatis actu, qui causa illius existat; potest autem omisio dupliciter causari ab actu voluntatis, uno modo per se, & directè, & est, quando quis directè vult omittere v.g. auditionem sacri, vel circa illam habet actum positivum fugae, idest nolitionem; alio modo potest causari ab actu indirectè, & quasi per accidens, ut quando advertens homo fe teneri ad sacrum audientium, et si directè nolit illud omittere, vult tamen aliquid obiectum illi incompossibile, illudere tempore auri; sensus ergo quaestio est, an pura omisio dari possit in voluntate quae excludit utrumque actum, si enim hunc vel illum habeat pro causa, non amplius dici poterit pura, & simplex omisio, & pertractatur quaestio hoc de possibilitate potentiae metaphysicae, quam morali, quae regulariter loquendo concedunt omnes omisionem contingere mediante aliquo actu, qui sit eius causa altero praedictorum modorum.

66 Tres exiunt sententiae in hac celebri controversia; prima sententia universaliter negat puram omisionem liberam esse possibilem, ita ex antiquis A. lenis 2. p. 2. q. 13. membr. 2. Henric. quod. 2. q. 24. Caprol. 2. d. 1. Albert. & alii, & recentioribus vero citantur pro hac sent. Cajetan. p. q. 63. art. 3. & 2. q. 71. art. 3. Henriquez, Alvarez, Zamel, Conrad. quibus favere videntur noster Faber disp. 1. de penit. cap. 7. licet inferius num. 40. dicat licere ad liberam omisionem interpretativam, & tacitum, non autem physicum & expressum, ut praetendunt huius primae sentent. patroni; ubi notandum est ex istis Auctoribus nonnullos non absolute negare puram omisionem liberam, sed talem, quae sit imputabilis ad meritum, aut demeritum, in quo sensu quaestio hic non vertatur, quia in hoc sensu ad morales spectat, altera sent. affirmat puram omisionem liberam esse possibilem, ita ut voluntas ex sua libertate omittat independentè ab omni actu positivo, qui sit causa directè, vel indirectè talis omisionis, quam etiam ex veteribus Theologis docentur quampures Durand. 2. d. 3. q. 2. Argem. d. 36. q. art. 1. Ricard. d. 3. art. 1. q. 1. Marfil. q. 3. Ocham. 3. d. 10. Almain. & Argem. in suis moralibus, ac etiam Juniorum pars melior. Valent. quod. 1. art. 1. Salas tract. 3. disp. 2. art. 4. Hurtad. disp. 1. 5. de anim. lect. 7. sublect. 1. Arriag. disp. 8. de anim. lect. 6. sublect. 4. Ovand. Azor. Cornet. Curiel. Grand. Suar. Montefin. & alii innumeri, quae etiam videntur aut fuisse Scoti, & Scotistarum, ut dicemus. Tertia sententia affirmat omisionem sine omni actu contingere posse, qui per se, & directè sit causa illius, non tamen sine actu, qui eius causa existat, fine aliquo actu qui saltem indirectè, & per accidens sit eius causa, vel occasio; ita Medina. p. 2. q. 71. citans D. Tho. & fieri talis loqui videntur Valq. 2. d. disp. 92. cap. 2. alios citans; alii vero de duplici omisione distinguunt, unam actus exterioris; ut cum quis sacrum omittit, alteram actus interioris, ut si omittat actum fidei, & iniquum posse utique dari puram omisionem liberam actus interioris sine omni prolixa acta, qui illius causa existat directè, vel indirectè, non tamen actus exterioris, nam respectu illius admitti debet actus, qui eius causa, & occasio saltem indirectè existat; ita Becan. tr. 2. c. 3. q. 2. cum aliis quibusdam, qui modus dicitur ad rem non facti quia hic quaestio solum de omisione actus ipsius voluntatis.

ARTICULUS I.

Resolutio quaestio de libertate actus.

67 Pro decisione quaestio quoad hanc partem recolenda est distinctio illa de duplici libertate voluntatis nostrae proxima, & remota, quam dedimus supra quaest. art. 2. ubi diximus libertatem remotam esse nudam voluntatis potentiam, & aptitudinale dominium, quod habet supra suum actum, ut eum eliciat, vel non eliciat, aut oppositum; libertatem vero proximam ultra nativam potentiae virtutem connotare praerequisita ad agendum, ut sunt concursus Dei indifferens, cognitio praevia intellectus, & si quae alia sunt necessaria ad constituendam voluntatem in actu primo proximo, ut possit in hunc exitum cum expedito libertatis actu; & haec supposita libertatis distinctio advertendum est, quod cum Auctores hinc loquantur, quid ponat libertas in actu, an entitatem, vel modum aliquem realem, an potius solum extrinsecam denominationem, nam quae sit actus essentialis, vel potius accidentalis, loquuntur de libertate, quae redundat in actum ex libertate proxima voluntatis, quae sicuti est contingens, ita excludit à voluntate & ab actu ab ipsa emanante, necdum naturalitatem, sed etiam necessitatem; non autem loquuntur de libertate remota, quia haec praecise sumpta non sufficit ad expeditum libertatis actum, unde patum de illa curant, & à paucis agnoscitur extra Scotistarum solum, cum tamen omnes eam admittunt tenentur, & voluntati tribuere actus, quod à Deo necessitate ad agendum, quod non implicare ostendimus loc. cit. ad finem act. & universaliter voluntati nudae, & praecise à necessario praerequisitis, hoc praenotato.

68 Dicimus primo libertatem in actu non addere supra entitatem volitionis relationem, aliumve modum realem intrinsecum, sed denominationem extrinsecam provenientem ex indifferentia proxima potentiae volitivae; ita colligitur ex Scoto 1. d. 12. quaest. 1. lit. G. & d. 13. lit. H. & d. 17. quaest. 2. *quantum ad ipsum art. 2. & d. 40. quaest. 1. & quod. 18. art. 2. sequuntur Lichez. 2. d. 2. q. un. §. dico quod aliud, Cavell. disp. 3. de Anim. lect. 15. Vulpes Tom. 3. part. 2. disp. 67 art. 1. num. 4. & Recentiores citati, qui illi probare solent rationem ut plurimum inutilibus; nos frequentiorum apud ipsos feremus, quae in eo consistit, quod entitas actus voluntatis praecise quocunque superaddito, eo ipso, quod est à potentia potente non agere, concipitur libera, ergo haec sola denominatio consistit eum sufficienter in esse liberi, & sufficienter distinguit ab actu necessario. Haec tamen ratio, vel non concludit propositum, vel universaliter concludit, nullum effectum dicere relationem realem ad suam causam, sed solum denominationem extrinsecam, quod sit illa; si ergo nemel concedatur effectum dicere veram, & realem relationem dependentem ad suam causam, utro vera dicendum est, praesertim in schola nostra, & Thomistarum relationes reales admittuntur, praesertim quae ad causam pertinent, pariter id ipsum erit concedendum de actu libero, quod relationem dicit relationem realem liberam, quilibet enim effectus non tantum dicit relationem realem causata ad causam, sed etiam talis causata ad talem causam, unde difficile admodum videtur eximere effectum liberum à tali relatione ad causam liberam, nisi etiam eximatur ab ea effectum naturalis, & necessarius, nam sicut ad effectum liberum sufficere dicitur connotatio principii liberi, à quo procedit, & denominatione extrinsecam, quod sit ab eo productus, & idem pariter luo modo dicitur de effectu naturali, & necessario, & universaliter negari potest relatio effectus ad causam.*

Alii probant, & est veluti confirmatio praecedentis argumenti, quia admilto tali modo superaddito substantiae actus, tamen haec prius natura est, quam modus superadditus, in illo ergo priori adhuc entitas actus sit indifferenter, & libero modo, ergo absolute loquendo potest libertas in actu esse, & intelligi antecedenter ad quocunque















substantia naturali distinguit, & hoc idem docent communiter Thomae p. 2. quest. 18. artic. 7. Probat ratione a priori, quia entitas physica actus humani sumitur ex objecto nude sumpto, & seclitio omni respectu ad regulas morum legem felicitatis, vel rationem, & cum morales autem non attenditur, nisi in ordine ad obsequium, ut per eadem regulas regulatur. Unde quia hunc respectum cum, ut per eadem regulas regulatur, ut fundamentum totius generalitatis, hunc autem quod felicitas libertas, & subiectio ad regulam rationis sic, vel ad regulam morum, merè accidenti actui in esse materiae, cum secundum substantiam esse possit sine libertate, & etiam liber sine subiectione ad regulas morum; quod autem libertas non sit essentialis actui, sed ei accidat in esse natura jam supra ostensum est art. 1. hujus quaestiones num. 70. ubi diximus eundem actum specie, & numero posse de necessario fieri liberum, & contra, vel ex defectu attentionis circa obiectum, vel ex defectu concensus parati, & hoc manifestè constat de motibus primò primis, qui cum primò dicitur sine sufficienti advertentia rationis, non sunt liberi, neque in nostra potestate: cum verò advertentia rationis accedit saltem semiplena, peccata venialia censentur, & dicuntur motus secundò primò, ut omnes communiter concedunt, quo loquendi modo satis aperte significatur esse eodem omnino actus, qui prorsus erant necessari, & postea ex sola rationis advertentia superveniente sunt liberi.

100 Denique est difficultas, an moralitas formalis adequatè dividatur, ut genus in species, in bonitatem, & malitiam. Affirmant communiter Thomae cum D. Thom. p. 2. quest. 13. art. 1. & 8. quorum fundamentum est, quia moralitas formalis competens actibus est regulabilis in ordine ad regulas morum, seu ad obiectum per illas regulatur; sed hæc tantum potest esse vel per modum convenientiæ, in qua consistit bonitas, vel per modum disconveniëntiæ, in qua consistit malitia, ergo adequatè in hæc, & illam dividitur. Contra quia intra genus moris, alia proprietates non dantur, nisi illæ, quæ competunt actibus rationis bonitatis, & malitiae, nempe meritum, & demeritum, laudabilitas, vel vituperabilitas; ergo neque dantur alia moralitatis species. Verum præter bonitatem, & malitiam admittendum esse ulterius tertiam moralitatis speciem in genere moris, quæ dicitur indifferentia, itat adequatè totum genus moris dividatur in bonum, malum, & indifferentem, ut dicitur D. Bon. 2. d. 4. art. 1. quest. 3. & Scotus 2. d. 4. art. 1. in calce corporis quaestio cum omnibus Scotistis, & nos fusè offendimus lib. 2. sent. disp. 5. cit. & ratio est, quia actus regulabilis per rationem optime dividitur in actum conformem, & disformem tali regulæ, & actum indifferenter se habentem respectu ejusdem regulæ, cum qua nec conformatur, nec disformatur, aliqui enim actus ita exerceri possunt, ut procedant ex perfecta cognitione obiecti, & ponderatione ipsius malitiae, & bonitatis, quatenus intellectus cognoscit obiecta talium actuum, nec esse bona, nec mala moraliter; sed regula rationis ad ea indifferenter se habet, confirmatur, quia species actus moralis sumitur ex obiecto, hoc autem vel est conveniens respectu rationis præcipientis, & consentaneus, & sic habetur prima species actuum humanorum felicitatis bonitatis, aut ejusdem disconveniëntis, & ita habetur secunda felicitatis malitiae; aut tandem nec eidem est consonum, aut dissonum, ut præcipienti, sed potius consonum, ut præcisè permittenti, & ita habetur tertia species scilicet indifferentia, unde obiectum indifferens ita voluntate à ratione proponitur, ut in proponendo nec voluntatem suadet, vel præcipienti transiunt super illud, nec minus prohibeat, vel dissuadet, sed omnino permittat non quidem ea permittente, quæ eam illicitum permittitur, & quæ sicut Deus peccata permittit, hæc enim non est omnimoda, & rigorosa permissio, cum prohibitionem ejus quod permittitur, supponat, sed ea permissione, qua ita permittitur aliquid, ut ex permissione licite fieri possit, & actus transiens supra tale obiectum positivam accipit indifferentiæ speciem, nempe ordinem positivam per modum accessus ad rationem hoc modo permittentem.

101 Ex qua doctrina facile occurrit fundamentum prioris sententiæ, ut diximus disp. 5. cit. q. 1. art. 3. prope finem, convenientia enim actus ad rationem dupliciter sumi potest, vel presè rigorosè, quo sensu dicitur accessum ad rationem præcipientem, vel consulentem, & hoc modo consistit species bonitatis, vel minus presè, & ita dicitur accessum ad rationem, non quidem præcipientem, & consulentem, sed merè permittentem, & non curantem, & convenientia hæc modo sumpta consistit tertiam moralitatis speciem, nempe indifferentiam, quia licet convenientia hujusmodi, & conformitas ad rationem sufficiens non sit ad faciendum actum bonum in genere moris, sufficit tamen ad faciendum actum licitum, quatenus à regula rationis non prohibetur, sed permittitur. Ad confirmationem distinguendum est de duplici laude in genere moris, alia est, quæ debetur operanti iustè à præceptum dictaminis practici, alia verò debetur operanti, & operando non violanti præceptum ejusdem dictaminis, quia laus est minima in genere moris, & potest tamen adhuc dici laus est minima in genere moris, potest tamen adhuc dici laus, quia non tantum laudabilis est, qui operando rectè rationi conformatur, sed etiam qui operando eam non violat, sed contra eam facit, quæ duplici laude privatur faciens contra dictamen rationis, & hæc minima laus debetur etiam actibus indifferenteris; unde accipiendum meritum, & laudem in hac latitudine, imputabilitas veluti passio loquendi totum genus moris, non tantum ut bonitatem, & malitiam comprehendit, sed etiam indifferentiam.

102 Sed infamis, obiectum vel est conveniens relationi, vel discon-

veniens, & inter hæc medium non datur; ergo non datur hæc tertia moralitatis species. Respondetur; si convenientia sumatur pro conformitate actus ad rationem præcipientem, vel consulentem, negatur non dari medium inter obiectum disconveniëntem, & sic conveniens; nam dari potest obiectum, neque cum tali convenientia à ratione proponatur, neque cum disconveniëntia opposita, sed solum permittatur; si verò convenientia sumatur pro conformitate actus ad rationem non tantum præcipientem, & consulentem, sed etiam permittentem, concedendum est in hoc sensu non dari medium inter obiectum disconveniëntem, & sic conveniens; sed negatur consequentia, quia sub hoc membro duæ moralitatis species continentur; convenientia enim ad rationem præcipientem, & consulentem facit bonitatem; ad permittentem verò, & non cum eam facit indifferentiam; & hæc sufficiens pro præcipienti, & aliquam notitiam actuum humanorum breviter collecta est disputatione citata, ubi diffusè de hac materia tractamus.

Q U A E S T I O V.

De obiecto voluntatis, ubi varia expediuntur quaestio de voluntabilibus à nobis.

103 DE obiecto voluntatis plura, & varia sunt dubia, quorum præcipua brevitatè illudentes præsentium quaestionum comprehendemus, & quæ poterimus brevitate majori expediemus per singula discutendo. Primo itaque dubitatur de latitudine obiecti voluntatis, num scilicet eju obiectum ample pateat in tota entis latitudine, & sic disput. præced. de obiecto intellectus sanctum est. Communis opinio negare videtur, dum statuit bonum vel ratione boni adæquatum voluntatis obiectum quoad adum amoris, nam iuxta hunc dicendi modum ens sub ratione entis, veri, unus, aut alterius formalitatis à bonitate præcipientis actum voluntatis terminare nequit, & ita docet Suarez lib. 5. de anim. cap. 7. cum multis alijs; Oppositum solent passim docere Scotistæ Burg. 1. d. 29. multa autem ratio, Licher. 2. d. 6. q. 1. Cavell. disp. 3. de anim. sec. 1. 2. concl. 3. Faber disp. 9. de pecc. cap. 7. Vulp. tom. 2. par. 2. disp. 51. art. 2. quæ voluntatem esse potestiam univertalem, sicut nisi intellectus, & posse velie ens sub ratione entis sine expressa relatione bonitatis; Scotus in hoc puncto nihil certi resolvit, nam 1. d. 3. qu. 3. §. ad rationem in oppositum loquitur accipit in hæc verba, si voluntas ponatur habere actum circa omnia intelligibile, poterit idem esse obiectum tam voluntatis, quam intellectus; & sub ratione eadem formalis, sicut non, sed quod voluntas tantum habeat actum circa intelligibile, quæ sunt finis, vel entis ad finem, & non circa motum speculabilem, tunc poterit obiectum voluntatis aliquo modo particulare respectu obiecti intellectus, hinc postea tempore dubie locutus est modo in unam, modo in aliam inclinans partem in 2. d. 6. quæst. 1. §. quæ non tenet, ens in tota sua latitudine esse obiectum voluntatis, sicut est intellectus; alibi vero frequentius statuit esse bonum cum communi opinione, quod est finis, vel medium ad finem, & consequenter voluntati tribuit minus amplum obiectum, quam intellectui, quod etiam probabilis censet Faber loc. cit. num. 137.

104 Cum igitur Doctor in hac re non se resolvat, sed cuiuslibet optionem faciat tenendi, quod magis libenter neque nos iugum cuiquam imponere intendimus: defendi itaque potest ens in tota sua latitudine esse obiectum adæquatum voluntatis, sicut intellectus, quia satis constat in sphaera obiectiva tam quæ cum voluntatis suæ cognitivæ adæquari rationabile non videtur illam coercitare ad minorem sphaeram obiectivam, quæ tribuere imperfectius obiectum, quam habeat intellectus, id autem sequitur, si ipsomus bonum adæquatum ejus obiectum, & ens obiectum intellectus, ens enim perfectius est, quam sua passio; tum tandem quia ut ens dicitur proportionatum voluntati obiectum, sufficere debet, quod sit bonum, & appetibile, saltem virtualiter, & fundamentaliter; cæterum ex alia quoque parte non minus probabiliter fulsineri potest, ens non quidem in tota sua latitudine, sed per bonitatem restrictum, & coarctatum esse obiectum adæquatum voluntatis; in primis, quia hæc est communis opinio concordi ferè omnium calculo receptatum, quia hoc videtur à Luciano potentia appetitivæ ut distinguitur à cognitiva, quod per actum projectionis feratur in obiectum ei conveniens, quæ tale, ad eum sub hac ratione sibi à cognitiva proponi debeat, ut moveatur ad operandum; tum quia abstractior actus, quem possit voluntas dicere circa aliq. obiectum, est adhuc neuter, quem memorat Doctor p. d. p. qu. 3. sed obiectum talis actus ex Scoti ibidem non præcipienti à ratione boni, sed à ratione boni propter se, & propter aliud, adeo ut actus ad illud terminatus nec est ius, nec fructus; tum tandem quia nulla est ratio convincens potentiam appetitivam cum suâ cognitivæ adæquari debere quoad obiecti latitudinem, sed sufficit, quod obiectum appetitivæ sit subordinatum obiecto cognitive, ut docet Doct. cit. p. d. 3. qu. 2. & certè, ut ait Doct. res merè speculabilis non videtur aptum obiectum voluntatis, quæ suapte ingenio versari habet circa obiecta operabilia.

105 Neque hinc sequitur intellectum esse voluntate perfectionem absolute loquendo, quia licet in potentia ejusdem generis ex majori, vel minori obiecti latitudine possit argui major, vel minor potentiarum perfectio, & excellentia, ut constat de cognitiva, sensitiva, & intellectiva, non tamen hoc argumentum valet in potentia divi generis, quales sunt cognitiva, & appetitiva, siquidem earum per-

fectio, & excellentia ex aliis potius capilibus aspicari debet, ut constat ex dictis quæ ut. Nec tandem hinc sequitur, si bonum ita tantum obiectum voluntatis, ipsam habitum imperfectius obiectum quam intellectus habeat, quia hoc non est intelligendum, ut bonitas pro formalis sumpta, quo sensu est passio entis fit ratio obiectiva, & motiva voluntatis, ut optime Faber adnotat loc. cit. n. 133. ex Doctore 3. d. 1. §. potest aliter dici; rationem ibi innotuit Doctor, quia ratio boni in quadam relatione convenientia fita esse videtur, aut saltem non ratione absoluta consistit, ut in Metaph. dicemus, sed nulla ratio est ratio motiva potentiae, sicut in univertum loquendo (inquit Doct.) ratio activi, & passivi in entibus non est aliqua relatio, sed aliqua natura absoluta, unde relatio dici consuevit de genere steriliū, ergo ratio boni formalis, quæ est ipsa relatio convenientiæ boni ad voluntatem, non est ratio obiectiva, & motiva voluntatis, sed est forma ipsa absoluta entis moventis potentiarum, & sic fundatur relatio convenientiæ, sicut obiectum fuge in voluntate est forma illa absoluta, super quam fundatur relatio disconveniëntiæ, cui accedit ratio Arist. 2. de Anim. 66. quæ univerfalius docet obiectum motum aliquis potentiae nunquam consistit debere per aliquam relationem relativam ad potentiam, ut visus visibile, intellectus intelligibile, appetitus appetibile, quia tunc facile esse assignare prima obiecta potentiarum; nam obiectum cuiuscunque potentiae est correlativum illius potentiae, puta visus visibile, intellectus intelligibile, &c. hoc autem modo non verè, & proprie assignaretur, quod est illud, quod est visibile, quia remaneret querendum, quidam fit illud, quod est visibile, & intelligibile, & idem Arist. ibi non in hoc modo assignat obiecta potentiarum, sed assignat obiecta absoluta nimirum visus colorem, auditus sonum, &c. quæ etiam ratione disp. præced. qu. 6. art. 1. concl. 3. negavimus in ratione veri formaliter esse intellectus obiectum; sic igitur in proposito cum audis bonum vel ratione boni esse obiectum voluntatis id intelligas non formaliter, sed fundamentaliter, itat ens secundum illam rationem absolutam, secundum quam peculiariter dicitur relationem bonitatis, fit obiectum voluntatis.

106 Quæ vero in voluntate duplex est actus, alius amoris, & prosecutionis, alter odii, & fuge quorum primus fertur ad bonum, alter ad malum, hinc volunt simpliciter, & absolute loquendo non esse statuendum adæquatum voluntatis obiectum bonum tantum ut fertur communis loquendi modus, sed bonum & malum simul, quæ volunt in sphaera adivitatis suæ non minus inclinat velie bonum, quam nolle malum, neque actus ille est ei magis conaturalis, quam ille. Hæc est quaestio de nomine, nam quando dici solet bonum esse adæquatum voluntatis obiectum, hoc utique omnes intelligunt in ordine ad actum prosecutionis, non fuge; ac etiam simpliciter, & absolute loquendo bene dicitur bonum esse adæquatum voluntatis obiectum, quia formale obiectum, in quod per se primo tendit, est bonum, nam prius amat rationem boni, & inde odit rationem mali oppositam, neque alia de causa odit malum, nisi quia vult bonum, quæ ratione, inquit Doct. 2. d. 6. quæ. 2. §. in ista quaestione, omne nolle supponere velie, unde malum non videtur obiectum voluntatis, nisi materiale, & secundarium. Nec est, cur isti Authores in assignando voluntatis obiecto dament loquendi modum, quo ipmet utuntur in assignando intellectus obiecto, ejus enim obiectum adæquatum assignant verum; quod si eis obiciamus intellectum non tantum habere actum alienum circa verum, sed etiam dissonum circa falsum, idcirco adæquatum ejus obiectum verum, & falsum debere consisti, absolute loquendo, occurrunt formale obiectum, in quod per se primo tendit intellectus, esse verum, quia per verum coalescunt non esse obiectum intellectus, nisi materiale, & secundarium, sed quis non videt hanc eandem rationem pari passu in proposito modum de obiecto voluntatis; retineatur ergo communis loquendi modus bonum esse voluntatis obiectum, parum enim curare debemus litem de nomine, dummodo constat de re; Cum autem dicimus bonum esse formale voluntatis obiectum, hoc non tantum de bono vero intelligendum est, sed etiam apparenti, ut diximus disp. 7. Phyl. 2. d. 1. art. 7. ex Scoto 2. d. 2. & 3. d. 3. C. quod quidem quotidiana demonstrat experientia, moveatur enim non solum à bono in se vero, & realiter cognito, sed etiam à bono apparenti, eo quia perinde se habet in apprehensione, ac si esset verum bonum.

107 Secundò dubitatur, an bonum duntaxat fit obiectum voluntatis, an potius etiam malum, & non est quaestio de voluntate, ut natura est, & secundum affectionem commodi considerata, sic enim fatentur omnes, ipsam quoque in proprium bonum inclinari, ut ceteræ potentiae naturales, sed ut est potentia libera, & quoad appetitum elicicum, & rursus non est quaestio de voluntate quoad actum volitionis, & fuge, sic enim nem negat malum sub ratione mali esse motum voluntatis obiectum sed quoad actum prosecutionis, & amoris, num scilicet hoc actu tendere possit in malum sub ratione naturæ ad bonum, ut alteri conveniens, & amicitiae, qui terminatur ad bonum in se, non est quaestio de amore amicitiae, quæ non nemo sibi malum exoptat, sed de amore concupiscentiæ, quæ amicitiae, an scilicet malum possit esse propter se voluitur irreversibiliter ad aliud sub ratione mali, & contra bonum odii haberi sub ratione boni ad ampliandum voluntatis nostræ liberatam affirmamus Nominales Ocham 3. d. 1. d. 3. dub. 3. & 1. d. 1. quæst. 6. Major 2. d. 3. quæst. un. ad. 1. & d. 49. quæst. 7. Almain. trac. 3. moral. cap. 4. in fine, quibus adhaerent nonnulli Scotistæ præsertim Faber 1. disp. 13. cap. 7. & disp. 3. de Pecc. cap. 3. & Hiribarn. tra. de actibus human. disp. 1. 1. sect. 1. Mastrii, & Bellui. De Anima. Tom. III.

nam Vulpes tom. 2. par. 3. disp. 59. art. 7. valde perplexè loquitur; nam num. 2. inquit Doctorem sentire voluntatem posse velie malum sub ratione mali, & nolle bonum sub ratione boni, & num. 3. in conclusione declinã quaerit resolvit voluntatem nostram per actum amoris tendere tantum in bonum, & statim probando conclusionem rursus inquit, posse voluntatem velie malum sub ratione mali; Movetur Nominales, quia si voluntas non possit amare malum ut tale, & bonum odisse, voluntas non posse mereri, & demereri, nec circa obiectum propositum liberè se exercere, si enim proponitur ut bonum, non poterit illud odisse, si ut malum non poterit illud amare; Scotistæ verò præsertim moti funt ex duobus Scoti locis, in quibus huic sententiæ favere videtur, unus est in d. 1. d. 1. quæst. 1. art. 3. ubi ultra finem verum, & apparentem constituit enim finem prærium, seu præstitutum, & est, quando obiectum præcisè est à ratione ostensum sub ratione mali, & tamen voluntas ex sua libertate illud sibi præstitit tanquam finem; Alter est in d. 2. d. 43. quæst. 2. ubi proponens, an voluntas possit ex malitia peccare volendo obiectum non sibi ostensum sub ratione boni sibi simpliciter, vel boni apparentis secundum quid, ait, si teneatur quod sic, nempe quod possit velie malum sub ratione mali, facile est assignare peccatum in Spiritum sanctum ex sola libertate procedens, non ex passione appetitus sensitivi, nec ex errore intellectus: si teneatur oppositum, potest adhuc peccatum tale assignari ex certa malitia, ut voluntas ex libertate propria abique passione in appetitu sensitivo, & errore in ratione errante peccet præstitutes sibi malum ostensum sub ratione mali ex propria libertate, tanquam bonum.

108 Opposita sententia est communis, quam nos docuimus ex professo disp. 7. citat Phyl. quæst. 8. art. 3. ubi Doctorem ab hac sententia stare ex mille locis demonstravimus, & ex illis eisdem, quos pro se Scotistæ præcitatè afferunt, nempe passim alli Scotistæ; Borgia 1. d. 1. quæst. 4. pag. 72. C. Tatar. lib. Licher. 2. d. 43. quæst. 2. in fine, fuit opinio quoque S. Thom. Henrici, S. Bon. Riccardi, Durand. Gal. Capreol. & omnium Thomistarum incaustantè 2. recentioribus omnibus recepta; eam fusè probavimus loc. cit. sed ne quis putet, eas facile diuere adhibita distinctione de voluntate, ut natura, & est libera, de mente concupiscentiæ, & amicitiae; ut solum nonnulli Scotistæ, rursus hanc conclusionem probamus veluti à nobis, loquendo de voluntate, ut libera est, & quoad amorem amicitiae, modus operandi voluntatis talis est, ut actu amoris veluti per modum ponderis voluntas tendat in obiectum, & ab obiecto trahatur, & alliciat ad amorem media cognitivæ sui, sed hoc fieri nequit nisi media bonitate ipsius obiecti trahente, & alliciente, ergo præcisè bonitate ab obiecto nequit voluntas in illud tendere per adum amoris; major patet ex communi modo loquendi, & probatur ratione, quia nunquam datur liberum sine voluntario in actu amoris, ergo actus amoris est inclinatio, & propterea quædam elicitiva voluntatis in obiectum, unde dicitur Ang. amor meus pondus meum; imò vehementer, quam ipsa naturalis inclinatio; probatur minor, quia voluntarium oritur ex bonitate obiecti, & à malitia minuitur, & destruitur, & bonitas obiecti attrahit, & allicit voluntatem ad amorem, malitia verò, & turpitudine deterrit, & avertit, implicat ergo in terminis malum amari posse sub ratione mali, & esse obiectum prosecutionis; & si talis actus amoris esset possibilis, tunc in tali actu reatarium fit subiectum liberi, vel licet genus ad liberum, consuevit, quia ut diximus, bonitas est, quæ causat in actu voluntarium ipsam alliciendo, & attrahendo. Hinc patet, falsum esse, quod ait Hiribarn. citat. rationem præciam, ob quam voluntas est non volens, & non acceptans aliq. malum sub ratione mali, cam esse, quæ intellectus proponit illud, ut disconveniëntis, quare si proponat illud, ut in se voluntate præcisè, & disconveniëntis absolute, non lum sub ratione mali. Hoc itaque falsum est, quia ut constat ex præterio fundamento bonitas præexistit in obiecto, ut illud formalis concupiscentiæ, præcisè namque bonitate nihil proficiat in obiecto remanet, quod ad se voluntatem trahat, & alliciat, ex quo etiam sequitur obiectum quoque indifferens, ut sic propositum, non amorem actum terminare non possit ob eandem rationem, quia nimirum proponitur in eo bonitas, quæ trahat, & alliciat affectum, nec potest odio haberi, quia sicut nihil apparet, quod attrahat, ita nihil quod deterreat.

109 Fundamentum verò Nominalium labile est, quia cum in quolibet obiecto creato, quantumvis bono, semper appareat aliquis boni defectus, poterit voluntas circa illud exercere libertatem contrarietatis; tum quia etiam obiectum proponeret voluntati, ut saltem libertatem contradictionis volendo bonum, & nolo malum, aut actum suspendendo, quia ut superior diximus, ad omnino non actus sola sufficit libertas voluntatis, nec aliud exterum requiritur motum, & hæc sola libertas contradictionis sufficit ad merendum, & demerendum; neque adeo amplianda est voluntatis libertas, ut possit tendere extra suum obiectum, sed sitendointra ipsam sui obiecti, concedenda est e tanta libertas, quanta tribui potest sine repugnantia. Duo verò loca Doctoris à Scotistis contra nos adducta exactè expendimus disp. 7. Phyl. cit. & nobis omnino favore demonstravimus, quod luculentè ex ipso Doctoris contextu colligitur, nam in primo loco triplicem assignat voluntatis creatæ finem, scilicet verum, apparentem, & præstitutum, ubi per finem præstitutum certè non intelligit malum amatum, & vol-